

金石續編

金石續編卷第十四

宋

武進陸燿燾纂

太倉陸增祥校訂

宋二

亭亭山廟勅并祭告文

行書在山東泰安縣

勅亭亭山廟惟彼靈祠載於祀典導長源而善利承峻  
上封禮崇咸秩俾疏榮於侯爵用介祉於黎民可封

廣

維大中祥符元年歲次戊申十一月戊午朔四日辛

庚

皇帝遣秘書丞直史館姜嶼致祭于慶禪侯朕奉

若元符升中蒿嶽惟神受職幽贊成功特加封

爵之美稱用荅儲祥之休應仍令致奠以達深□尚饗  
承天觀碑

高五尺七寸廣二尺三寸三十行行七十二字行書額失用在甘肅正甯縣

大宋寧州真靈縣承天觀碑銘

并序

朝散大夫行尚書兵部員外郎知制誥上護軍賜

紫金魚袋臣李維奉

勅撰

翰林待詔朝奉郎守秘書丞同正騎都尉賜緋魚

袋臣尹熙古奉

勅書并篆額

臣聞無象之象生乎二儀之先強名之名居乎四大之一杳冥忽恍固不見而不聞陶甄孕育遂成形而成器三才以之資始萬物由其糾紛王者得之而垂拱之化

光百姓用之而厚生之理遂尋之無際其體也孰揆其  
高深感而必通其用也曷窮其神變非夫聖人之至賢  
一切之極尊其孰能與於此乎及夫醇醜朴散失德後  
仁戶有孝慈家興禮讓真風蕩而不返至治缺而莫敷  
玄珠既遺非象因而孰得混沌始鑿諒倏忽之可尤然  
而文籍本結繩而生大略由椎輪而作無欲之源既窒  
有為之迹漸萌於是軒轅師廣成於前夏禹尊子高於  
後尹喜望氣伯陽演非常之言曹叅相齊蓋公著清淨  
之說述宣教父聿假於言詮啓迪真宗漸崇於象物若  
夫稽玉晨之秘篆考玄圃之隱書絳闕琳房虛皇之攸  
館蓬萊方丈列真之密都蓋陰隲於含生實顧懷於明

德故歷代而下繼天之君莫不結念於冲虛宅心於汗  
漫或陳甲乙之帳望絳節之來或崇文廟之壇俟靈符  
之應自茲厥後祠宇相望寧州真寧縣承天觀者本唐  
開元中所建也按輿地之圖究經始之自蓋玄宗嘗於  
中夕夢彼羣仙儼冰雪之容疑來於姑射馭飆歛之駕  
若會於武夷惟至誠之所通非有道而不至且指樂土  
是為珠連既寤而命使訪之遂於其地得石象二十七  
軀乃夢中之所覩也即命營構真宇仍以通聖為名茲  
縣據羅川之上游實彭原之屬邑氣象蔥蔚原隰隱轡  
人敦忠義之風俗勤稼穡之事軒匠在望乃有熊得道  
之鄉幽土畫疆本公劉積德之地真靈之所翔集禎祺

之所保綏洎世道屯夷年祀寔遠蕭條檜井但淠於寒  
泉澗迤芝田僅成於茂草諒隨時而升降爰與道而污  
隆將復靈基允屬休運崇文廣武聖明仁孝皇帝之湘  
大寶也應千年之嘉會嗣

二聖之丕其宅

純粹之精執神明之度端委嚴廊之上游心象繫之表  
惟神不測用其道而設教惟天為大體其仁而育物三  
升泰時罄昭事之誠再駕寅車揚不殺之武舉按厠上  
陵之典以慰時思遵省方展義之文載均慶賜屢下  
寬大之詔聿開䟽闊之網德洋恩溥仁洽道豐遠無  
不懷邇無不肅動植咸遂神人以和故得協氣旁達以  
氤氲靈心昭荅於彤璽乾符荐委地寶畢臻巍乎治平

諒不可得而名也方且棲心妙鍵玩志固津守慈儉之  
格言味希夷之奧旨永惟民極斯寶教先眷是聖塲獨  
存遺址修弊起廢深軫於天心卽舊謀新冀崇其雲  
構卽日降綸綽之命遣軒墀之臣授以成謀彼蒞厥事  
其始也觀乎天象當定星之中察彼民時乃農務之隙  
既灼龜以練日復置臬而度地規易之大壯取詩之勿  
亟子來之民斯集藝成之匠畢臻採隴坂之材是樸是  
斲輦他山之石以磨以礱或施王爾之鉤繩或用傅巖  
之版築競致功而程巧畢獻力以忘勞尔其繚以周垣  
樹之峽關秘殿翬飛而中起脩廊繩直而四注雕欂櫨  
案燦文綠以交輝曼宇踈楹畜雲霞而牙暎桂柱曄其

電燧梅梁亘以虹申藻井揚芳紉敷乎齒藉銀釭絢彩  
照耀乎列錢卸砌坦其砥平瑤壇瑩其水淨清虛肅穆  
杳隔於氛昏壽繇重深殆殊其氣候若乃金牀玉几儼  
若三尊之御固冠翠綬穆然衆聖之容既從以靈官復  
位其列宿等威斯辨若朝元之會仗衛載列疑馭氣之  
游真固聖之下都而坤靈之絕境也逮茲集事亟用上  
言繇是錫以華題俾輝於棟宇延諸上士式謹其修崇  
徵三无八會之文探十善四極之旨椒漿蘭藉嚴其奠  
饋之儀空歌洞章間以虛徐之韻宜乎雲輶羽蓋徘徊  
而下臨紫氣素煙紛郁而相屬既而覲齒鮐背戴白之  
叟相与嘆曰至哉



吾君之德侯其禕而作為臺宮焜燿乎百里延集丕祉  
保祐乎黎黎誕揚罔默之風坐躋仁壽之域何力於我  
允叶堯民之歌惟幾成務更符羲易之象是宜求典故  
乘時寵升中于天追九八之迹無為而治茂三五之  
規福祿萬年子孫百世如斯而已矣恭維

帝皇

之作所以揚鴻輝金石之刻所以傳不朽茲事體大屬  
乎英才而臣識昧研幾學非足用掌仙曹之錄令莫著  
發揮述大道之指歸尤慙闕略祇膺 詔旨避讓靡遑  
拜手齋心謹為銘曰

懇矣至道包乎混罔惟恍惟忽匪亡匪存尋之無迹用  
之不煩萬物之母衆妙之一生乎二極與天地惟民

取靈惟君司契塞允開聰抱樸弃智神而化之事乎無  
事上德既哀醇源益醕出驟殊致質文異宜遺珠赤水  
訪道具茨罔言著矣青牛遠而清微之天虛皇攸治珠  
闥重深紫房豐麗財成元化陰隲羣類在感斯通無遠  
不至後聖緬慕葢乎清衷帳開蘭殿蓋設濯龍以徼繁  
祉以暢罔風運事增華壇館斯崇惟唐之興仙李鍾慶  
惟教之設開元尤盛精意潛感殊休屢應懿哉列真聿  
彰元聖集靈之地實曰羅川風俗淳厚原隰連延靈事  
斯啓彤彩相鮮年紀濤遠餘基巋然帝宋膺期惟天所  
授瑞叶赤書功凝紫宙鬼神致恭蒸黎在宥薰然大和  
洽於仁壽穆穆我皇三葉重光席圖握紀泖辟當陽疑

神妙鍵精思靈場修弊起廢爰申舊章翹翹使車三董  
其役民以子來時惟農隙之星方中靈臺勿亟林麓効  
材閭閻獻力彤彤邃宇藹藹殊庭穹崇辟窳黼黻丹青  
喬雲垂蔭瑞日揚明始疑神運終謂天成旌蓋侈披壇  
場夔寂雪璫發音颯駕來格祐被蒼黔慶流宗祐翠霞  
垂芳永永無極

時大中祥符二年歲次

己酉二月十五日建

御書院沈慶并侯令欽趙謙

刻石

右班殿直兵馬監押兼在城巡檢臣元守英

朝

請大夫尚書虞部郎中知軍州兼管內勸農事  
護軍賜紫金魚袋臣王于廣

按碑在甘肅慶陽府正靈縣羅水在縣南西南由  
靈州界入涇水隋曰羅川縣屬北地郡唐屬靈州  
天寶初獲玉真人像改曰真靈縣見地理志西魏  
廢帝二年改幽州曰靈州隋大業初復曰幽州尋  
改為北地郡唐武德初復曰靈州天寶初改彭原  
郡乾元初復曰靈州元豐九域志靈州彭原郡軍  
事治之安縣真靈縣州東南七十里子午山羅  
川水碑所謂羅川上游彭原屬邑是也董史皇宋  
書錄尹熙古工篆學類苑云古撥鐙法待詔尹熙  
古得之所書為一時之絕

忠國師多心經序

高二尺四寸廣一尺七寸十二行行十五字止  
書隸額題多心經序四字橫列在陝西咸寧縣

般若心經序

唐南陽忠國師述

夫法性無邊豈藉心之所測真如非相詎假言之所詮  
是故衆生浩渺無窮法海汪洋何極若也廣尋文義猶  
如鏡裏求形更乃息念觀空又似日中避影茲經喻如  
大地何物不從地之所生諸法唯指一心何法不因心  
之所立但了心地故號摠持悟法無生名為妙覺一念  
超越豈在繁論者尔 時大中祥符二年四月一日  
賜紫僧澄遠建 九華山僧省言書 安瓌刻字  
賜汾陰后土廟號泰寧宮牒

大中祥符四年三月正書在陝西渭南

聖文宣王贊并加號詔

大中祥符元年御製五年八月立石在陝西耀州  
文見萃編所載曲阜碑此其在耀州者當亦無  
異據潛研堂目錄南雄縣學亦有此碑蓋當時  
所在有之也

陸增祥志

西京白馬寺牒

天禧五年在河南洛陽

龍門山丁裕等題名

在河南洛陽縣

西京龍門山大像龕題名

三班借職監伊河竹木務兼本鎮煙火修陂石佛石道  
公事丁裕同弟祐并仲子觀東鄉友口吏顏翰安之胡  
汎同至此 大宋天聖四年丙寅三月二十六日裕書

鑄字李邁

三班借職監伊河竹木務兼本鎮煙火修陂龍門山石

佛公事丁裕同弟祐仲子觀東河南府助教白利用洛

陽口口鄉友貢士顏翰清河張居口安口口同至此

皇宋天聖四年丙寅口口二十口口口裕題

七星巖題名九段

起天聖訖嘉熙  
在廣東肇慶府

賈守文題名 三行行七字字  
二寸正書

天聖戊辰歲二月二日將家累口遊知郡事賈守文記

按戊辰天聖六年

周湛等題名

三行行十字字  
經十半正書

提點刑獄周湛同提點刑獄錢聿知郡事包拯同至慶  
歷二年三月初九日題

按宋史職官志提點刑獄公事淳化二年置以朝  
臣充後罷歸轉運司景德中復置增武臣為副以  
閣門祇候以上充是刻稱同提點刑獄豈即史所  
謂副耶周湛字文淵登州穰人宋史有傳不載提  
點刑獄包拯字希仁廬州合肥人天聖五年進士  
知天長縣徙知端州遷殿中丞端土產硯前守綠



貢悉取數十倍以遺權貴拯命製者才足貢數不  
持一硯歸事具宋史本傳通志職官表康定元年  
拯知端州軍州事合朱顯之題名考之其遷殿中  
丞即在慶厯二年也

朱顯之等題名

四行行十四五字不等  
字徑三寸許正書左行

慶厯壬午歲臘日郡守將朱顯之同監軍麥仲珣獄掾  
楊仲卿攝宦梁揆鄉秀崔宗周合浦貢士梁立本游茲  
勝境顯之謹題男諷捧硯詢詠侍立

按壬午慶厯二年臘即臘

馬尋等題名

八行行七八字不等  
字徑二寸五分正書

轉運使尚書郎馬尋子正慶厯三年癸未歲二月二十

二日游斯勝槩春官吏知端州朱顯之從晦新賀州慕  
杜偉士遜新建昌邑佐許奇彥伯叅陪顯之謹題

按馬尋字子正須城人宋史附陳太素傳太平寰  
宇記賀州臨賀郡理臨賀縣屬嶺南道杜偉通志  
誤作杜傳

榮諲等題名

六行行五字字  
徑三十餘書

轉運使祠詔詔中榮諲知州事太常博士翁彥計游此  
嘉祐庚子正月五日題

按宋史榮諲本傳諲字仲思濟州任城人舉進士  
為廣東轉運使廣有板步古河路絕險林箐瘴毒  
謹開真陽峽至洸口古徑作棧道七十間抵清遠

趨廣州遂為夷塗後以集賢殿修撰知洪州廣東  
通志職官表榮譔嘉祐四年任轉運使翁彥升莆  
田人進士嘉祐庚子年知端州軍州事庚子嘉祐  
五年也

皇甫宗憲等題名

七行行四字字  
徑三寸正書

治平乙巳仲春中旬知郡事皇甫宗憲率荆延年趙宏  
曾公軌遊此牒槩

按宗憲終殿中丞見萬姓統譜乙巳治平二年

康衛等題名

十行行六字字徑  
五分正書

：

提點刑獄尚書郎康衛寶臣同提點刑獄文思副使王  
咸服叔平熙寧二年己酉歲三月初六日同遊郊社齋

郎康聿侍

郡牧守殿中丞陳懌題勒上石

按康衛陳懌見是年是月十八日倡和詩勒於石室王咸服題銜同提點刑獄蓋副也文思副使武階而宋史職官志稱神宗謂武臣罕習吏文不足以舉察所部故熙寧專用文臣據此則熙寧初猶兼用武臣也

向勉之題名

六行行三字字  
徑五寸正書

紹興辛亥清明日向勉之絜家來游五子侍行

按是刻諸家未錄通志亦失載辛亥紹興元年

章鑒等題名

四行行七字字  
徑五寸正書

嘉熙丁酉臨江章鑒重試秋闈後同考官合沙劉漢英

清源徐雷開來游

按是刻諸家未錄通志亦失載丁酉嘉熙元年  
七星巖唐人遊記詩刻未入萃編者既為補錄其  
宋人題名不下數十茲就所得拓本錄之

原書目錄云三十五段編中所錄僅只九段茲  
就未錄諸刻列目於左其元至正年楊庭璧破  
獠題記一刻則刪之編中不收元碑仍萃編之

例也

附增  
補志

景德四年陳總劉起等題名

乾興元年趙勝等題名

慶曆六年張肅題名

皇祐元年宋克隆等題名

皇祐二年王逢題名

熙寧二年周子題名

後有隱祐壬子  
呂中等續題

元豐四年王洎等題名

元豐八年劉靜叔等題名

元豐六年許珏題名

崇寧元年鄭敦義題名

崇寧四年張漸等題名

政和八年古革等題名

紹興五年韓敏求等題名

紹興五年朱文中題名

紹興二十八年鄭安恭題名

乾道五年陶定題名

淳熙十五年趙善擇等題名

淳熙十五年十月黃執矩題名

嘉定八年陳光祖等題名

嘉定十一年徐龜年等題名

又後二日趙汝襲等題名

寶慶元年鄭起沃等題名

又三年題景福洞

嘉熙二年區永年等題名

案陳總劉靜林張漸朱文中陶定黃執矩六刻

皆通志所未見鄭敦義一刻義作文疑石刻本

作义也

陸增詳志

甯參白水縣齋十詠

行書篆額在陝西白水縣

同州白水縣齋十詠并序

同州白水縣齋十詠并序

括蒼鄉貢進士吳節書并

篆額

邑大夫掄理之庭民版圖系瞻之地苟壯麗弗取則威

儀匪脩况乎宅天井之上腴據坤岡之水勢左右官署

簿尉廳悉在縣衙內前後閑闕足崇仡々之墉曷際航々之宇然

墮模之夙備亦雅制之未臻是以遵陸抗之繕完祛晏



嬰之湫隘或因其爽塏或即其便宜率循去故之規爰  
成永逸之度徒龜趺於外堞慕彼前脩聳蜃氣於重闌  
昭其懿範兼濟擬東門之作徇公侔上館之稱至於瞻  
藹青箱密藏於層構崔嵬畫墀峻列於前亭當具體而  
或微且非禮而勿動斤斲惟約髹彤靡加而又倚樹交  
陰藜石絢彩茂軫軒之逸趣敷階祀之素輝我諧不轉  
之姿爰呈可卷之狀鬱為玲衽載於亢藜故其覽景無  
遺懷賢有緒將恪居而未墜誠退食之多同導乎惟樂  
之口玩以至幽之勝王仲宣之暇日孰紹能聲庾元規  
之秋宵豈忘覃思姑自強而不息惟靡常於厥居曾無  
擊鉢之音但愧燃萁之敏得非踦蹕演韻口瀝成文因

撫實於縣齋式緣情於十詠隨題注釋與物續紛俾原  
始而要終庶采葑而采菲然而非公家之能事抑亦思  
作者之鼻章與惟匿瑕在我同志附于翠刻庶幾末光  
云爾時天聖六年仲冬十有二日邑佐權民長寧蔡自

序

思齊樓

宰署之門也上簷四楹將闢地變因之輪奐至其妙辭乃太極中張子奇位於是邑

德政之績也改置其下故以目之

高開營層構翼

飛勢自伸已聞能賦客空憶帶星人彫檻凭秋迥朱扉

敬漢新龜蚨清刻在誰共繼芳塵

永益池

縣閭之西俯臨紺宇古於濂之所也二亭中圯

泐寢而靡興况絕壑往來艱於汲引民患于入亦為政之闕也

蔡因闢頽岸是命其題天澤既緒一邑斯濟

唐賢遺勝地天澤引初深未起朝宗勢先資濟衆心

淨惟涵寶利微或鄙蹄涔爽氣何偏早羣蛙一夜沉

惟勤閣尉廩東隅廣表倍自責思前古徒名是永懷

黃霸為潁川守百姓有過閉問自責然小大不善聲慙

作參權莅銅章亟追其倫邑民好訟得無思之偃室幽興類蕭齋未報投虛及空防肆毒材恪居知有

地僅俛競相諧

藏書閣尉居南屋中筆起洞闢前軒峻危梯趣若何

綠苔生未遍縹帙聚還多曉幌吞清旭秋欄拂靜柯猶

憐松筆在公外獨頻過

習射亭宰署東西隅尉危亭當旅進飛鏑共星鳴才

奏頻繁節空聞霹靂聲澤官期竝脉相圃憶偕行敏手

無虛發由來已鵠平

古植槐

尉廳西南半署牆垣之內

誰知深固久根恠蟄龍形自著

三冬市空懷八命庭餘清蟬□□茂綠雨初經未便慙

羣木猶憐桂有馨

□榮桐

尉署小廳前也

幾年惟悴質一日類生稊玉螭青□

滿銀床

□□雅□□□高稱□□□有□□□

□□副剪圭

小庭松

居相之次

挺質依雕檻盤根似舊峯美材高並接

強韋直相容度夕寒聲細凌秋翠影重當軒可□□應

只待秦封

波紋石

尉中

何必觀春渚他山質自奇危層分蕩

漾峭碧認逶迤禁陛宜相接星機好共支高空如有聞

一補未為遲

石席

置之於  
惟勤閣

結粹後天匠周方出翠輦墜知磨琢易

須信卷舒難角枕清同置藜床雅並觀公餘聊偃息空

覺病膚寒

廣平焦有成鑄字

修白水縣獄記

隸書篆額在  
陝西白水縣

重修同州白水縣獄記

將仕郎守縣尉兼主簿權知縣事甯參撰 鄉貢進

士吳節書並篆額

夫園土之設肇德於至非掎棘之興允閑於不矩故峻

哲中嚴之所廼纖人思過之地大則儀獻而可察小則  
款辯而惟明仁惻攸先寬簡必永矧乎去聖逾邇澆風  
寢行雖赭冠而可施在扉屨而易泯况惟此邑□比殊  
封當長安之上游□百城之善土而又□□□□山  
複湖□□□交敵之□□□劉曜僭雄之堡版圖斯大  
生齒實繁播時者歲計而咸登鸞食者日中而自樂加  
以簪紳夙寓綽綽而有芳縞紵素游閭閻而自固其或  
鋒稜莫戢憤惋未平昧其理則虞芮之交興失其心則  
菑菑而亦聚是以絲棼之喻徒極於聯綿雀角之端罕  
聞於遷格紛紜成市蒙塞如雲然縲繫有歸且抵冒斯  
衆或置之別宇或盈其囿□心力俱殫提振莫暇俄傳

稽緩之口屢興逋失之虞蓋其舊制匪完永圖未克隘  
同圭竇嘗媿于迂疎壤比剝廬幾懷于陘泐當其歆蒸  
肆酷賦茨厲嚴在搗尾之徒居黑喙之下但慙風而沐  
雨彌茹苦而含辛余則不然莫戎遘虞幸以忝從一命  
權莅銅章字人之先軫思為大乃亟聞於良牧而

欲改於故規允邁

鉅仁聿諧其請縣是闢環堵之

陋審燥濕之由董萌匠以構基募公臧而卜築勿剪勿  
伐豈煩當谷之材輪焉奐焉詎撓編氓之力用之不匱  
觀者悅隨敢侔片言之能式隆象斗之用軒光洞達廣  
袤攸新伸卜商之惟勤資叔孫之必葺不愆于素曆月  
而成敞猶金玉之堂邃若芝蘭之室三木無仰天之歎

五典□ 霜之威至若舉案有□□□□□宜乎男女

異處聊 於別區輕重殊塗永符於欽恤况 國家

廸懷浹寓方切含生昭平胥□□□□□以□□□□□

之□□□□□氣感於羣心故得景緯垂休貫索有稀明

之象靈禽獻瑞棘庭多喜集之巢叶 聖治於和平

贊 丕辰於熙盛然而人斯得獄豈非獄惟在人悉

我 聰明竚俟來者故語曰必也可使無訟乎則斯

獄之不暇爾時天聖六年龍集執徐仲冬二十有二日

記 廣平焦有成刊字

重刻中書令張九齡碑

高一丈一尺廣五尺六寸四十分行每行五十六字正書篆額題唐尚書右丞相中書令張公碑十二字在



廣東曲

江縣

唐故金紫光祿大夫□□令集□□□學士□院事脩

□□尚書右□□荊州大都督上下不

銀青光祿大夫廣州刺史□□□□□節充嶺

南節度支度營田五府經略觀察□□□□□□

□□□□國公徐□□

有□既六字魏衛公□格于皇天在 高宗時有以

碑文第一行復宗社在 □宗時有若□□□□□

□燕□始興□□張□興□王業夫以天柱將傾□□

□□振綱目再闡皇猷□□公□之□□□□第二

壽一名□□□□陽方□□□□□□□氏良□□

□□稱□□或相韓五葉或□□□有大賢時

稱盛族四代祖□守禮隨□□□行第三曾□□

皇□韶□□□□□□□□□□□□□

州剡縣令列考□□□□□縣丞贈太常卿廣州□

督皆□□光力□□□行第四積高而□□□□作

霖□□□□□□□□□□歲□□太常府君

憂柴毀□□□□樹數株連理王公方慶□□年

十□□□行第五左燕公過嶺□□章並深提□□

□□□□□□□郎□□期尤所激揚□□□

□有下等謗議上聞中書令李公□代詞宗□令□

行第六再拔其萃擢秘書省校書郎應道□□□□

□□□□□□直言不協□□□□□拂衣告歸

太夫人在堂承順□□□□之至□里化焉始第七行興

北嶺峭□巉絕大庾南谷坦然平□□□□□□

□□□□時行可方□□□□□□禮部司勳二員外

郎加□□大夫超中書舍人封曲第八行江縣男轉□常

少卿出冀州刺史□□□□□□□□洪州□□□□

州都督□□□□嶺南按察兼選補使黜免貪吏引□

□□任良登能亮賢第九行事澤被膏雨令行祥風屬

燕公薨落斯□□□□□□□□賢□□□副知院事

□□□□□相排根窮栖歲餘深不得意渤海□□□

我王命第十行思絕其詞中書奏章不愜上意命

□□□□□□□□ 上甚嘉焉即拜尚書□□□□郎□

知制誥扈從北巡便祠 □□撰赦□第一行御

為文凡十三紙初無藁草 上曰比□□□□□□□□

□□□□左之才今日□□□□經術濟朕累乞歸養

上深勉焉□□九臯九章官近州<sub>第二行</sub>里伏臘賜

告給驛歸<sub>第三行</sub>遷中書侍郎丁內憂□□慰□□□□□

□南訃祔葬□塋□□圖生嗑不容粒白雀黃犬號噪

庭塋素□□芝巢植□隴□□<sub>第三行</sub>至者將有感乎既

卒哭復遣中使□□本官同中□□□□□□許

為辭□□ 命號咷使者逼迫及至闕下懇請□□

手詔曰不有<sub>第四行</sub>至孝誰□盡忠墨□□□□□□

之望在表賜第

一區御馬一尋遷中書令集賢令知事

第五行公作相也奏擇元戎皆取良吏不許入

罷賞戰功減諸軍兵省年支賜臣禄大夫明年公

奏籍耕加禄大夫三卷述帝伯

每天長即鯁詞有死無貳彰善癉惡見義

衰為鑒鯁詞有死無貳彰善癉惡見義

可辨上極震怒謂其罪上因涕泣遂寢其奏武貴妃

當咎本上因涕泣遂寢其奏武貴妃

離儲君將立其子使中使私御史

也必將與焉御史

□□□□□裴仙先不禮中官皆忤上旨必□□

□公全度焉□□節度張公□□□<sub>第十行</sub>降兩番斬屈

突干□□□□□□□□客以□軍□□拜□□觸

鱗固爭竟不奉詔平盧將安祿山入朝奏事見於廟

□以□必亂中原固□<sub>第十行</sub>上曰卿以王衍知□□□

□□□□□□為虜所敗□□□請按軍令中留不行

公狀諫曰穰苴出軍必□莊賈孫子行令□斬宮□珪

所奏□□□□<sub>第一行</sub>不當免死再三懇□上□不

從□□□嘉運等上策□□□□襲平西戎公以為不

可妄舉結後代讎□皇王之化也上又不納及羯

胡亂□□□<sub>第二行</sub>逆命<sub>三</sub>宗追歎曰白□□□□



於韶州曲江之私第享年六十三 皇上震悼贈荆

州大都督有司謚行曰文獻公粵來歲孟冬葬於洪義

里武臨原近□□塋□□□□□□□□□□<sub>第七行</sub>譚氏

循州司馬府君誨之子也淑慎宜家齋莊彤國珮環有

節纂組皆工幼作女儀長為內則太夫人樂在南國不

欲北轅克勤□□□□□□□□□□□□<sub>第八行</sub>廿月六日

終於私第春秋七十七晝哭闔門日月□□□□同塋異穴

卜兆從宜公仲弟九臯宋襄廣三州刺史採訪節度經

畧等使殿□□□□□□□□□□等州<sub>第九行</sub>刺史鴻臚

卿□金柁紫三虎為榮立德□□□□□□□□□□<sub>第十行</sub>拯□喪

以孝聞立身以行著陷在寇逆不受偽官及收復兩京



特□□□□□□□□□□<sub>第三</sub>善大夫孫藏器河  
南府壽安尉□保先□□□□□□□侍御史抗文  
吏雅□清公賢操以兄拯早世姪藏器幼孤未□□<sub>三</sub>  
知已眷以□章禮□□□□□□□□□□<sub>行</sub>揚世父之美浩義深  
日三行

鳳生丹穴鵬翥南溟天乘粹氣地發□□□□□<sub>三</sub>  
庭甫稱降神說表騎星學究經術文高宗匠再掌  
司□□□□□□□□□□□□□□<sub>三</sub>綱允釐帝  
來惟亮退居右揆出守南□□□□□□□□□<sub>三</sub>瞑  
猶視雖歿如生昭昭令名千古作程<sub>三</sub>行

長慶□□歲次□□七□癸丑朔□□□□□□

□□節度判官監察御史裏行仲舉建立 曾孫承

奉郎虔州可辨

墳塋□□北去下缺十復同勾□立 國孫□□進

士□新 國孫鄉貢進士可辨

承務郎試秘書省校書郎□韶州曲江縣□□□□

篆額 韶□□□□□□□□士□試□□省校書郎

可辨

□奉郎尚書屯田員外郎知韶州軍州兼管內勸農

□□□□□□堤重建 皇宋天□□□□□

□立石於曲江可辨

唐中書令張九齡碑廣州刺史嶺南節度使徐浩撰并書九齡字子壽一字博物韶州曲江人開元中官至中書令罷為尚書右丞相貶荊州長史謚曰文獻碑以大厯中書撰長慶三年刻石

集古錄目

右張九齡碑按唐書列傳所載大節多同而時時小異傳云壽六十八碑云六十三傳自左補闕改司勳員外郎碑云遷禮部傳言張說卒召為秘書少監集賢院學士知院事碑云副知至後作相遷中書令始知院事其載張守珪請誅安祿山事傳云九齡判守珪狀碑云守珪所請留中不行而公以狀諫然其為語則略同碑長慶中立公薨在開元二十八年至長

慶三年實八十四年所傳或有同異至於年壽官爵其子孫當不謬當以碑為是也

集古錄  
跋尾

第一千五百六十三唐張九齡碑上第一千五百六

十四唐張九齡碑下徐浩撰并正書大厯中書撰長

慶中刻石 歐陽公集古錄云云今攷之浩撰碑時

為嶺南節度使在大厯間距曲江之卒未遠至長慶

中其家始刻石耳劉禹錫讀曲江集詩序以為曲江

燕翼無似終為餒魂而碑載公嗣子拯孫藏器碑後

又載曾孫敦慶王孫景新景重然則曲江為有後矣

不知禹錫何所據乎又云公一名博物而史不載

金石

錄案唐書宰相世系表載曲江之子拯在贊善大夫孫藏器長水丞曾孫敦慶袁州司倉參軍元孫景

新未載其官景重洪州都督府參軍來孫以下見於  
表者尚有八十一人其元孫以上皆與碑合然則夢  
得餒魂之說誠不足信矣

右中書令張九齡碑大厠中文獻之猶子抗為殿中  
侍御史請徐季海製文書之距文獻沒已世餘年至  
長慶三年抗之從子仲舉始立石今所存者宋天聖  
八年知韶州刁湜重刻本也以術推之癸丑朔乃長  
慶癸卯之七月湜昇州人兵部郎中衍之子登進士  
第官屯田員外郎史不載其韶州事潛研堂金石文跋尾  
碑立於天聖八年在歐陽公集古錄之前不知歐趙  
二家所見者唐刻耶宋刻耶朱長文墨池編云中書  
張九齡碑徐浩撰并書長慶三年立則固唐碑矣而

此碑不著書人姓氏字雖出摹勒字法頗與徐似則

亦粵東古刻矣

粵東金石略

碑在曲江縣所載祿山入奏九齡以為必亂中原云

云與涑水通鑑不合

通鑑據舊唐書作祿山敗績執送京師時語

攷元宗

實錄守珪奏祿山失律請依軍法決斬許之祿山臨

刑抗聲言曰兩蕃未和忍殺壯士豈為大夫謀也守

珪以祿山當捷於擒生聞其言捨之以聞是實錄不

謂執送京師也曲江集敕守珪云宜且停舊官令白

衣將領卿更審量本狀隨事處之是遇敕守珪處分

之辭若既執送京師而後捨之則敕當云停舊官放

還白衣將領何以敕不言放還而言卿更審量耶据

此則祿山未嘗執送京師九齡見之當從碑在入奏

時為實通鑑不從者蓋未見拓本第因祿山事迹九

齡語裴光庭之誤考異祿山事迹云二十一年守珪

謂裴光庭曰亂幽州者此胡也按光庭二十遂并入

奏事刪之耳碑云五月薨而通鑑云二月是未見碑

本之證也廣東通志金石畧

道遙栖禪寺水磨記

在陝西鄠縣

大宋京兆府鄠縣道遙栖禪寺新修水磨記

地肺山沙門志陸撰并書 武威安晟刊石

夫開市農田之賦邦國所以備於年儲既流變磨之功

人世所以資于日用矧茲匠妙俾自輪行實濟物之殊  
功乃厨湏之要務長安鄠邑有逍遙精舍焉即後秦三  
藏法師什公譯經之地也此寺名標勝槩面對終南況  
草木以靈竒嘗高僧而間出秦伯唐皆高僧譯經之地也境稱絕異  
具載豐碑此不復序寺之東南隅三里已來案圖經曰高觀  
之谷其谷口有隙地先是尚行溫之地乃前寺主崇恩  
端拱年中以金帛易之役始迄今皆以荒墟曾未田種  
今寺主法普始一日与同志曰此處地壩澗口水會滾  
流欲樹建於磨臺似不煩於巨力既陳厥議咸以悅隨  
遂乃剪伐蕪蕪鑿開峻岸方興功力會乏資財有信士  
張彥實施以青蚨百繩助充營建是以掄材聚墨選匠



鳩工徘徊盡合於規模巧拙皆依於制度是以危樓崛起疑蜃吐而雲成駭浪奔輪若虬蟠而轉影且觀其源也危峯巉岫狀怪形竒下之水也瑩碧澄潭深沉無底人而過者莫敢而窺故九夏絕於炎殃則可滋于稼穡一方既於畦壠則挹之弗窮其磨亭已座五間都成七架面開客館東敞僧房俾來者洗以塵醒平耳目望邇天而空濶夜月良多覩雨霽於秋光屏觀疊嶂闐然世外杜絕喧繁噫豈止獨利於禪林抑亦務資於閭里約費羨鏹三百餘緡歲月未周土木功畢是知地之興也故有其時物之盛衰良因其主今守主法普與供養主法明並以精勤無怠道行有聞皆繼踵於真宗為鄉

聞之所仰也苟非積於勤儉安以樹於豚因者哉乃以厥事既周電遷陵谷志陸猥承見託固讓弗遑輒述燕辭誌於翠琰時天聖八年八月二十五日記

住持寺主法普 法珍 □□行寶 行感 當寺

監寺法全 供養主法明 磨主行達 典座行素

廣惠裨院主惠安 前寺主師榮樹石 維那行

□ 其磨地窠東至高觀澗南至澗西至坡塢上頭

塢頭通人過往北至草堂寺已上四至

草堂寺石刻三段

起繫祐訖政和在陝西鄜縣

陳堯傳詩刻 景祐二年六月僧悟正書刻王聖俞

後

孫竦等題名 建中靖國元年九月正書

張智周題名 政和元年十一月刻孫鼐詩後

其元符年王正臣題名一段錄有全文仍以時

代次之

陸增祥志

云亭里石氏墓表

碑去額高五尺廣二尺五寸三十五行行六十六字至七十二字不等正書篆額大損在山東泰安府

石氏墓志

介謨

石氏之先出於衛康叔之後康叔文王之子周公之母弟然則石姬姓矣按本記云衛靜伯生公叔公叔生顯伯顯伯孫摯生何為石氏春秋左氏傳隱三年有石碯碯子厚莊十三年石祁子成四年有石稷襄十七年十

九年有石買二十七年二十八年有石惡襄二十八年  
哀十七年有石圃哀十三年有石曼姑哀十五年有石  
乞十七年有石黹禮記檀弓注有石駘仲莊八年又有  
齊小臣石之紛如十九年又有周士石速儔三十年又  
有鄭大夫石甲父文十七年有石楚成十年有石首襄  
十一年十三年有太宰石奐昭三十二年周又有石張  
之十四年又有天子之士石尚定十年又有宋卿石彊  
六國時有石齊齊相楚國漢有萬石君父子晉有石苞  
石統石喬石崇石機又有石鑒唐有石抱忠則天朝為  
天官侍郎石雄為將石殯芳著忠義口六世祖自滄州  
樂陵縣遷焉今為兗州人也 吾祖初遷而南得邑曰

乾封

後改奉符

鄉曰梁甫里曰云亭村曰商王負泰山挾徂

來有

二大山之鎮且汶水注其後經其西遂築居焉仁

者樂山智者樂水

吾祖其近仁智者歟 吾祖之初

來既鮮兄弟亦無族姻有田百畝專以農爲業久之始

生

高祖達

高祖乃生

曾祖七人石氏於是遂蕃

長曾祖性嚴毅善治家□□晨起令諸子弟畢先趨

田畝群子弟無敢後者故石氏富於粟且當五代兵寇

之時中原用武諸祖又皆敏有材力習戰尚勇騎射格

鬪豪於鄉里趙將軍者鉅盜也衆數千人張旗鳴鼓攻

掠郡縣其鋒甚盛嘗過吾里中不敢爲力遣使乞具一

餼諸祖諾之行人更其辭賊憤乃來戰遂陣於南門之

外我不素備猶殺賊數百人方戰時遇力疲則憩於門  
內蘇而復戰賊勢已抑□□者未得尚酣戰□曾祖  
珪係斷投門門內有姦閉門不納遂敗是以長曾祖  
七曾祖 大祖父 二祖父 四祖父 七祖父皆  
沒於陣 三曾祖善戰既敗賊入門升堂階又斬賊□  
□□□乃攀堂檐□□出里餘息於栗林西數十步渴  
就溝水飲眼背血出滴水上苦戰如此竟免嗚呼石氏  
之遭其當唐季乎戰之歲在晉開運三年也後五年慕  
容氏反兗州即周太祖廣順四年也賊後□□年石氏  
乃分曾祖第一房無嗣與第五房合為一院凡六院後  
第四房嗣亦絕為五院今第一院分六院第二院分三

院第五院分四院第七院分二院合十五院然皆出於  
七曾祖口叙其略 第一院曾祖諱路堅娶顏張單氏  
生 大祖父 二祖父大祖父娶秦氏無子女二八長  
適而王張氏次適南顏張丁讓二祖父娶侯村鄭氏生  
長伯父明二伯父靜長伯父娶陽關朱氏無嗣一女適  
劉氏湘筠其甥也伯父口盡術名通傳二伯父娶厚于桑氏生  
大男曰用曰誠曰元吉曰政曰峯曰宣三女長適舊縣  
陳隱次適下村張氏次適下村趙氏 用二男曰巒曰  
福一女適聶氏福生口巒生先得哥先生大眼 誠一  
男曰澡三女適寇氏郝氏韓氏澡生翁兒 元吉一男  
曰澗一女適夏氏澗生王兒 政一男曰簡二女適同

氏口氏簡生 峯三男曰友諒曰友直曰友口二女皆

適張氏 宣三男曰全曰師恭曰師讓二女長適富氏

次在室 第二院曾祖諱路釗娶劉氏生四祖父洪十

一祖父瓊一女適李口 口口口口口口口口伯父口

口伯父娶李氏二男曰坦曰榮一女適口氏 坦生師

睦師和師厚一女適晏氏師睦生課兒 榮生師哲師

敏四祖父曾為桑令公十一祖父娶口張戴氏生

四伯父勻二女適劉氏張氏四伯父娶神氏生寬寬生

修已黑牛一女適成氏修已生揚世 第三院曾祖

諱路賓娶軋封黃氏生九祖父文果十四祖父九祖父

娶屈溝口氏生八叔父謙二女適耿氏葛氏八叔父娶



下村馬氏一男曰亨二女適丁氏劉九臯十四祖父無  
子第四院曾祖諱路巖娶趙氏事安太口師趙侍中  
慕容相公索太保天福七年補衙前子弟九年補獵務  
口口三年補中府獵射務都頭乾祐三年廣順三年爲  
討擊副使無嗣一女適戚澄第五院曾祖諱路具娶  
栢子趙氏生十二祖父欽一女適太子中舍劉閱十  
二祖父娶西王王氏生我烈考及仲父躋仲父  
晨季父居化二女適西朱劉氏百子趙氏我曾祖  
篤勤農樂田野終身不游市郭然喜衣冠嘗囑我烈  
考於鄉先生願授以經因語人曰吾不取口吾口金紫  
口鄉黨以儒名吾家吾老死足矣烈考果登第列東

官官如其志

先是鄉人以曾祖行呼吾家

祖父鄉里稱長者鄉

人之必貸之果知其不能償即取券焚之善慰鄉黨恂

恂口口競今吾院視他院稍益二祖之德也我烈

考諱

丙

娶郭夫人馬夫人

劉夫人楊夫人後劉夫人

專三家春秋學大中祥符五年

真宗章聖皇帝御前擢第仕至太子中舍生我兄慎

齊

及介企會合

與吾姊吾姊適舉子孫周吾兄生師

愚師通師易師晦師默生女三人長適進士姜潛次適

進士高口口在室介生彭哥川哥徠哥女二人俱幼企

生師廉女三人俱未嫁會與合未娶師愚生鼎孫女一

人方四歲

二仲父娶口謝段氏生口懷玉懷德女

一人適舉子郭師顏岳三女懷玉生師恪師賢一女懷  
德生師果師毅師口伯惜二女三叔父娶陽關薛氏  
女二人長適申村姜文次適進士盧淑美甥銘鐸錫社  
哥女二人一適進士孫廓一在室二婿擅文辭甥皆學  
不爲無後四叔父娶申村姜氏高唐氏生僉女  
二人長適王氏次適任氏第六院曾祖諱口娶楊  
氏無嗣女二人長適西張鞠父次適大吳劉父第  
七院曾祖諱口娶戚氏生八祖父文密十祖父文  
秀十三祖父女二人長適石固王氏次適顏謝商氏  
八祖父娶口氏生五伯父遂九叔父慶十二叔父十三  
叔父十四叔父五伯父娶乾封寇氏口口口口四女

適王氏楊氏馮氏杜氏九叔父娶大吳吳氏生士元十  
二叔父娶劉氏二女適張氏王氏

高祖之五女

長適顏張許氏次適乾封口張氏次適上高郭氏次適  
侯村口氏次適臨口翁氏石氏

始祖一人 高祖一

人 曾祖七人

王父十人

諸考十四人 吾輩二十

一人自我而下訖訖未見其止也若作厥室

始祖基

之高祖堂之

曾祖構之

王父口丹之

諸考落

成之吾輩歌於下飲食於下于于如也然不敢怠逸謹

保 堂構而已吾諸子若孫既材而孝其必能大石氏

基斯厚矣堂斯峻矣構斯崇矣石氏斯傳萬世矣嗚呼

石氏食此田百有五十年矣葬此地九十有年矣自始

祖至圭八世能不失故田能奉祭祀 今舉 曾王父  
而降爲三十二墳用康定二年辛巳八月丁丑八日甲  
申歸于大塋以附

口祖 商祖口口歲時則與十六院大合祭焉詩曰孝  
 子不匱又曰無忝爾祖語曰死葬之以禮祭之以禮石  
 氏子孫其庶幾矣乎塋域南北長四百八尺東西廣三  
 百六十尺合合一十七畝大口口口口口株樹  
 一千七百五十株合一千八百八十株石氏子孫賢也  
 塋闕問焉宅兆安焉祭祀時焉苟不肖也何所不至戒  
 哉

德郎守大理寺丞新授通判通州

軍州兼管內勸農事借緋士建仲書

承奉郎

待制作監主簿口彥輔篆額

孫湛刻

右石氏世表石介謨士建仲書歐陽公撰介墓表稱  
父丙官太常博士而此表云仕至太子中舍與歐表  
異歐表介有子師訥此云介生彭哥川哥徠哥蓋各  
舉其小字未審誰為師訥也孫明復寄范天章書曰  
今有大名府魏縣校書郎士建中南京留守推官石  
介二人者其能知舜禹文武周公孔子之道者也非  
止知之又能揭而行之者也執事若上言於天子次  
言於執政必能恢張舜禹文武周公孔子之道以左  
右執事教育國子丕變於今之世矣建中學行與介

齊名當亦奇士而學於明復者仕至兵部員外郎史  
不為立傳後世無述焉驗其書法亦自不俗金石文

尾跋

石介字守道天聖八年進士及第初授嘉州判官  
後以直集賢院出通判濮州事具宋史本傳介嘗  
躬耕徂徠山下人以徂徠先生稱之有徂徠集二  
十卷宋孔平仲談苑稱石介文章學術天下宗師  
著宋頌十篇猗那清廟無以加也慶厯三年天下  
所謂賢士大夫必用於兩府侍從臺諫之官宋之  
用人於茲為盛介作慶厯聖德詩 四庫全書徂  
徠集提要王偁東都事略記仁宗時罷呂夷簡夏

竦而進章得象晏殊賈昌朝杜衍范仲淹韓琦富弼王素歐陽修余靖諸人介時為國子直講因作慶厯聖德詩以褒貶忠佞其詩今載集中仿唐愈元和聖德詩體唐憲宗削平淮蔡愈仿雅頌以紀功是其職也至賢姦黜陟權在朝廷非儒官所應議雖當時以此詩得名而實不可以訓誠至論也談苑之說猶近標榜歟明一統志濟南府人物石介兗州奉符人師事孫復固窮苦學進士及第厯鄆州推官嘉州判官居憂躬耕徂徠山下葬五世之未葬者七十喪以易教授魯人號徂徠先生服除為國子監直講進慶厯聖德頌出判濮州葬族



喪立墓表疑在一時皆篤行也

封洪聖廣利王牒

高七尺六寸廣二尺六寸篆額題勅南海洪聖廣利王入字下分二層上層牒十三行行十八字下層廣利州官屬七行年月一行字數不計正書在廣東廣州府南海廟

中書門下牒

廣州

南海廣利王

牒奉

勅四瀆淵流歷代常祀物均蒙於善利禮未峻於徽稱  
載考國章式崇王爵四瀆並褒封為王其四海仍增崇  
懿號宜封為洪聖廣利王及令本處限勅命到差官精  
虔致祭牒至准

勅故牒

康定二年十一月 日牒

右諫議大夫叅知政事王

右諫議大夫叅知政事晁

戶部侍郎平章事章

右僕射兼門下侍郎平章事

以上刻上層

承奉郎權知觀察

下缺

節度推官承奉郎

下缺

宣德郎試秘書省校書郎權節度掌書記章

朝奉郎尚書都官員外郎通判軍州兼勾當市

舶司及管内勸農事上騎都尉借緋謝

朝奉郎尚書都官員外郎通判軍州兼勾當市  
舶司及管内勸農事輕車都尉賜緋魚袋□  
廣南東路諸州水陸計度轉運使提點市舶司本  
路勸農使朝奉郎守尚書主客郎中兼發遣軍州  
事護軍賜紫金魚袋馬

慶曆二年二月十七日上石

承務郎守錄事參軍陸賁書并篆額 僧義

榮鐫

以上刻下層

按宋史禮志康定元年詔封南海為洪聖廣利王與  
碑稱康定二年十一月不合攷皇祐五年牒稱康定  
中慶元四年牒稱康定二年並不云元年則史誤也

史康定僅一年而碑稱康定二年十一月者蓋是時

仍未改元爾

宋史仁宗紀慶曆元年十一月丙午改元慶曆

署銜據仁宗紀參知政事晁宗懋康定元年任戶部

侍郎平章事章得象寶元元年任門外侍郎平章事

呂夷簡亦康定元年任至參知政事王舉正則康定

二年始任如增封洪聖王在元年則牒末何得署據

此亦足證碑之是而史之非矣碑下方題銜諸人名

莫可考惟宋史陳太素附傳及肇慶石刻有轉運使

馬尋慶歷年任當即此碑所題轉運使之人呂夷簡

不著姓者老學庵筆記云舊制丞相署勅皆著姓官

至僕射則去姓是也

廣東通志金石略

保寧寺牒并帖

正書在陝西興平縣

中書門中牒京兆府

京兆府奏准勅分拆所管存留有無名額僧尼寺院共陸拾壹所伍拾柒所並合勝任額數內興平縣肆所並無額

一清梵寺

宜賜保寧之寺為額

一西禪院

宜賜淨相禪院為額

一誌公塔院

宜賜多寶之院為額

一法花院

宜賜惠安之院為額

膝奉 勅據不拆到先存留無名額寺院等宜令本府  
係未勝任得額外其諸寺院各依前項名額勘懸掛膝  
到准口  
勅故膝

太平興國三年四月三十日膝

中書侍郎平章事盧

右僕射兼門下侍郎平章事

左僕射兼門下侍郎平章事

使帖 興平縣 右准

勅命如前檢會昨准 轉運衙牒奉

勅命指揮仰子細分拆逐寺院現在殿宇房廊功德佛  
像及僧尼人數仰逐處官員等相度內有合牒任得勅  
額寺院之奪別坐聞奏者 使司尋備錄帖司錄司仰  
一依 勅命指揮遍下管內廂界諸縣仰子細分拆無  
名額存留寺院見在殿宇房廊功德佛像僧尼人數仰  
攢簇都大文帳申上續據司錄司狀申據長安等一十  
三縣及左右廂司供申到准 勅命存留無名額僧尼  
寺院殿宇房廊屋舍佛像及畫壁功德僧尼人數文帳  
使司尋具此繳連申奏申使堂牒轉運衙及申大王訖

今奉勅命宜令本府除未勝任得額外其餘寺院各  
依降到勅命指揮管界諸寺院速便各勒逐寺製造  
額牌依降到名額書勒大字了將赴衙呈過各赴本寺  
懸掛兼具知委結罪文狀供申者

太平興國三年六月五日帖

觀察推官范 卽度推官閻 右贊善大夫通判軍  
府事楊 水部員外郎知軍府事奚

使武功郡王

在京

縣 帖保寧之寺

清梵寺准 使帖奉

勅宜賜保寧之寺為額者今帖縣仰一依降到 勅命



指揮勒本寺製造額牌依降到名額書勒大字了各將  
赴衙呈過歸奉寺懸掛兼具知委結罪文狀供申者  
右准 使帖如前續准 使帖指揮切緣諸縣例是各  
有寺院若將牌上府呈過況當時暑又緣去府住覆地  
遙仰立便指揮管界寺院依降到名額各令如法書勒  
大字了當只仰奉寺院便自懸掛不得更將上府申呈  
者事須帖奉寺一依 勅命指揮降到名額製造額牌  
如法書勒大字了便於奉寺懸掛仍具知委懸掛月日  
結罪文狀申上以憑申使不得有違者太平興國三年  
六月二十日帖

守主簿 權知縣事 彭

大宋天聖四年歲次丙寅五月一日丙子建 當寺  
賜紫沙門□□共浴室院主僧善海同建 官表白  
僧潛用寺主僧時□尚座僧守勤維那僧楚玉  
東京大相國寺僧惠詮書

安文晟刻字

皆大宋慶歷三年歲次癸未五月戊午朔壬日己巳闔  
寺衆僧同立

寺主僧寶全尚座僧志堅維那僧務

安元吉立石

此太平興國三年勅賜保寧寺牒刻於天聖四年立  
於慶歷三年慶歷三年五月為戊午朔則己巳當是

十二日碑作王者誤

筠清館金石記

法門寺修九子母記

高二尺三寸廣二尺五寸二十三行行  
二十二字行書在陝西扶風縣本寺

法門寺重修九子母記

儒林郎守軋州司理叅軍張爽撰

夫九子母學浮圖氏者言之在異趣矣始則憑負恠力  
哭戾慈忍泊大雄氏示現威德攝以正道故力殫氣沮  
神弗克競而旋能服義畏威降志下體慄然歸順逮夫  
能仁之教流被震旦嚴祠善刹充滿天下故存其像貌  
儼列左右蓋錄其背邪鄉正之道亦足尊尚矣法門寺  
東廊下有故像一堂以其子孫衆多耆舊傳云寘續乏

後者苟蠲禳精禱則身枝蕃茂而席其福然年襁婦久  
堂宇傾圯雖有陳形獎質亦不克副瞻仰者之恭畏也  
景祐丙子歲里人試匠鐫鉅鹿魏德宣與同閭人清河  
房君有鄰武威奉職安君召相與建畚再議褻緝時屬  
西夏跋扈邊鄙興師供億頗勞故不果蚤就其志迨今  
年五月中方畢其事績塑一新其母則慈柔婉約且麗  
且淑端然處中視諸子如有撫育之態其子則有裸而  
携者有襁而負者有因戲而欲啼者有被責而含怒者  
有迷蔽而相失者有羈午牽衣而爭恩者二人焉有膝  
冠服膺而夾侍者二人焉擁戀庭闈天姿駉冶不可得  
而談悉非施者之心專勤匠氏之工精妙亦不能允臻

其極□□君子之肇意也以家鐘餘慶業茂素封惟茲  
有後未□旒旒因相為祝寅罄迺衷功未及終咸遂其  
應噫神道冥昧昭感之績信未可誣爽不佞辱見請文  
其事讓不獲已因敢聊序其大略云爾時慶厯五年閏  
五月一日記 進士魏戡書 塑人王澤 畫人任文  
德

真身塔主兼都修造主正辯大師賜紫法能立石

院主僧廣隨 勾管本殿僧廣嚴 張遵刻字

按法門寺重修九子母記張爽筆甚雅潔魏戡書  
仿右軍張遵刻石尤為北宋能手如記所狀即王  
塑任畫亦各精妙惜東廊故像無復舊觀矣記稱

儀修於景祐丙子年畢事於慶曆五年配相距十  
稔仁宗景祐初西夏元昊繼立取瓜沙肅州有地  
萬里僭號入寇故云西夏跋扈邊鄙興師迫慶  
中韓范宣撫陝西元昊上表內附秦鳳無事像教  
觀成即一隅修廢之端可知世故與政治之得失  
焉魏戡訪碑錄誤作戢

重刻扶風夫子廟記

高三尺八寸廣二尺二十二行  
行三十十字正書在陝西扶風縣學

鳳翔府扶風縣夫子廟記唐文粹作扶風  
縣文宣王廟記

唐尚書駕部郎中程浩謨

天地吾知至廣也以其無所不覆載日月吾知其字

至明也以其母所不照臨江海吾知至大也以其無所  
不容納料廣以寸管測景以尺圭航大以一葦廣不能  
逃其數明不能私其質大不能亾其險偉哉夫學後  
蔑地而生知死地之始先天墜而沒知天地之終非日  
非月光之所及者遠不江不海潤之所溷者博式代禮  
樂吾知其損益百王憲章吾知其消息君臣以位父子  
以親家國以傳本作用肥鬼神以享衛未可詮亦文粹作其亦字誤  
有物釋未可證於無生弋以貫之我先師夫櫛夫子  
聖人也帝之聖者曰堯王之聖者曰禹師之聖者曰  
夫子堯之德有時而息禹之功有時而窮夫子之道  
久而弥芳遠而弥光用之者昌捨之者亡替否於周今

泰於默不然者何被袞而裳垂旒而王者哉扶風古縣  
也在京之西環渭之北望標關輔之首雄壓劇秦之大  
有尉曰素弁者學吞漢臺賢負伊鼎文則變雅行乃矩  
物其為政也剛以斷其理身也柔而立迴大君之清問  
動賢相之情文粹選寅文粹奉詔旨廟新祠宇廟間岑  
立宮牆鳥趾辟先師於兩楹羅亞聖於十哲砌蘭有  
主院栢分行徂庭自肅入室加敬陳牲牢而如在間遵  
豆而旣筭禋下大軍之後也時弊而沒禮域中小康之  
前也俗媮而迷歸尚儒以戢兵設義而銷戰使人從壽  
遠惡而不自知大哉素氏之子其用心也至矣邑宰李  
公才思練達政心和理風聲樹於丕變毗頌樂而不知



文粹縣丞主簿尉等瑯琊王畿黍稷公器覽容色窺相

公之明鏡整鬢翬超相公之龍門雲霄坐馳鳴躍可俟

浩自帝鄉薄送鳳翔入境而醉聞佳政告歸而飡文粹

味尤績前尉許贊起予能事春秋之徒如何勿書時大

曆二年丁未歲記 張遵刻丹

文咸遂二百二十二年實 炎宋慶厯戊子歲琅耶王

宗元自衛尉丞知縣事駭民廬之踰一廟也甚矣迺新

廟刻文牖民為學副 本朝右文之意謹題

按唐大曆二年程浩撰扶風夫子廟記載唐文粹

當時碑刻既佚不知書者何人至俗傳顏魯公書

刻湖州復刻華州者乃後人集顏書廣刻殘字無

多錯誤淺陋作偽之拙萃編姑錄無足辨也是碑  
為宋慶厯二年知縣事王宗元所立觀後題識蓋  
即其書丹而刻丹者為張遵宗元書法道逸在褚  
遂良殷元祚之間合觀法門寺修塔廟碑陰慶厯  
成子皇祐己丑行書詩刻題名及復唯識廨院記  
雖與此碑書體不同而筆蹟實出一手唯識記或  
正或草或兼篆籀分隸有隋曹永恪修陳思王廟  
碑之遺此以正書而參嶧山碧落諸體用意相類  
為宗元自書無疑唯識記後有皇祐三年琅邪□  
□元書以此碑證之泐處為王宗又無疑也張遵  
精於勒石此碑及唯識記而外如普通塔記法門

寺九子母記封太白山神濟民侯勅皆其鐵筆極  
一時之能事獲斯石墨足洗假殘碑之穢矣自宋  
仁宗慶厯八年戊子上溯唐代宗大厯二年丁未  
實二百八十二年自大厯丁未越文宗大和元年  
僖宗光啓三年五代漢高祖天福十二年宋真宗  
景德四年凡五丁未宗元所記誤短甲子一周故  
祇云二百二十二年耳記中道未可詮其有物其  
作亦動賢相之精選精作清毗頌樂而不支支作  
知皆誤筆宜從文粹

筠清館跋尾附錄於左以備參攷

陸增祥志

此碑共有四本一在華州題為員外郎顏真卿書都

官郎中徐浩題額今存殘石一段計八行七十一字

旁刻少華探花王氏家藏八字一在西安碑林宋僧

夢英書題曰駕部郎中程浩撰夢英跋云此記元刻

在湖州臨安縣臨安宋屬杭州不一在扶風縣大厓

二年駕部郎中程浩撰慶厓戊子歲縣令王宗元書

刻較夢英本多扶風古縣也以下半篇即此本也一

在當塗縣元至正元年太平路總管賈度重刻亦題

駕部郎中程浩撰武部員外郎顏真卿書都官郎中

徐浩篆後題天寶十一載建度跋云得之冀寧廟學

其文亦無扶風古縣也以下半篇夢英所云臨安縣

即今杭州府屬賈度所云冀寧路今為山西太原府

治此二本今皆未見以顏徐二公官履證之其為武

部員外郎及都官郎中正在天寶十一年金石萃編

云徐浩未嘗為都官郎中豈未見多寶塔題銜邪又

假師學貞元十五年張式撰浩神道碑云遷金部

員外郎轉都官郎中在天寶時賈刻本載書碑時為四月廿二日與

魯公所書徐浩題額之多寶塔碑同日魯公書法各

州殘本與多寶塔碑字體而扶風此碑題為大厯二

年記其時去天寶十一載凡十有五年之久魯公已

由硤州別駕改吉州司馬年譜云大厯二年十月事徐浩亦由廬

州長史入為中書舍人矣張式撰浩神道碑謂代宗

用正此程浩官履雖無明證亦不應尚為駕部郎中

是碑若為扶風而作不應顏徐二公書篆於前竊疑

此文前半篇係程浩所撰不知為何處廟學而作得之與國廟學其說近是魯公為之書丹徐浩為之篆額至大厯二年扶風建碑遂襲用原文添入扶風古縣也以下二百九十六字仍託名于浩而書其舊銜故扶風古縣也以下文氣與前半篇不類而官階年月亦復差謬若是姚鉉輯唐文粹載扶風夫子廟記亦題為大厯二年程浩撰蓋據扶風石本採入也賈度所刻即華州本之未斷者故二本行格悉合夢英本則據臨安重刻書之故其文微有異同扶風本則託名者所為故其文多異今以扶風本與諸本合校摘其互異處另錄於後

天地吾知

夢英本賈度本多其字

至廣也

夢賈無也

字以其無所夢賈無不覆載日月吾知華州本及夢

至明也夢賈無以其毋夢賈無不照臨河夢

作口夢賈吾知其字夢賈多至大也夢賈無以其無所夢

無所字不容納測景明以尺圭廣不口夢賈逃

其數偉哉此二字夢作夫學夢賈後夢賈地而生

知死夢賈天地之口華州夢先天墜華州夢而沒潤

之所浸英同華州者博式華州夢代禮樂吾知夢

無知其損益吾知夢賈無其消息父子以親華州

夢賈家國以華州夢鬼神以饗夢賈衛夢賈

未夢賈詮夢賈亦夢賈有物弋夢賈以貫之先

師夫轡夢賈子楊慎升庵外集摘載扶風此碑

古文凡十字其云子作塙今石內子或作學

或作辭無作腐者又云曹作喜今夫子夢賈無聖人

也帝之聖者之夢賈作古曰堯王之聖者之夢賈作古曰

禹師之聖者曰夫子此夢賈無禹之功有豈作夢賈而

窮遠而弥允作夢賈光用之者作夢賈而昌捨之者作夢賈而亡

咎作夢賈昔否於宗夢賈多周今泰於皇夢賈多厥作夢賈而不然

者夢賈無何被作夢賈而袞而裳作夢賈而旋作夢賈而而王者

裁夢賈作矣扶作風風唐文粹古縣也動賢相之

清文粹選寅文粹奉詔旨死天下大軍之後也

使人從善遠惡風聲樹於丕變此頌

樂而不知文粹薄文粹遂文粹鳳翔右金石萃編祇

錄華州本於唐夢英本於宋今以此碑錄宋而辨正



之如此

筠清館金石記

近見湖北通志

嘉慶年修

亦載有此本題云襄州孔

子廟學記注云皮日休撰在襄陽今已佚後云

右碑文見皮子文藪案碑無年月通志亦不言

次唐咸通四年後文即此文無扶風古縣也以

下半篇與西安本同而字句有異錄以備攷

至廣

至明

至大

三至字上均有其字

潤之所浸者

博

作侵之所及者廣

詮亦有物

其亦作

證於無生

其

用之者

舍之者

兩者字均作則

餘與此本悉同

惟明茂死墜式親衛弋攴咎狀十一字不作古

文體為小異耳據此知吳氏謂後半篇係扶風

添入文粹即據扶風本採錄者似屬可信顧趙氏金石錄所載襄州孔子廟堂碑係垂拱元年立于敬之撰咸通間並無此碑湖北志殊不足據至以為皮日休撰者楊升庵已言其誤來氏觀妙齋金石攷略亦謂文較無此文也再萃編所載係西安本而以為在扶風縣殊誤并識之

陸增祥志

傅求等釋奠題名

皇祐二年正月隸書刻開成石經之後在陝西西安府學

韶州永通監記

高六尺廣四尺二十二寸二十六行行三十六  
字正書篆額失捐在廣東曲江縣光孝寺

韶州新置永通監記

古之建國者義以制事財以聚人八政之先曰食與貨  
即山鼓鑄三代而然禹鑄厯山之金以禦水禍湯造莊  
山之幣以拯旱虐周以金錫之利分隸虞衡唐以郴桂  
之郡並建爐冶貨之所產卒無定處興造之謀期於便  
事而已 國家平一諸夏統綏四海開寶興國之  
際收復江閩因其故區作為泉布時移歲積地產靡常  
比年已來治氏幾廢也

今天子嗣位之二十七年特詔翰林學士葉公清臣宋  
公祁經度山澤之禁以資國用乃僉作奏曰謹校郡國

產銅和市之數惟韶為多而夔夔嶺阨由江淮資本錢以酬其直實為迴遠謂宜即韶置監分遣金工以往模之歲用銅百萬斤可得成幣三巨萬三分其一以上供餘復市銅幾得二百萬如是則其息無窮矣

詔

下其議於廣東于時轉運使直太史傅公惟

通志知

韶州比酉副郎樂公溫故協恭承

詔以經厥始

郡有故堞號為西州遺址高平宛出郭外乃相厥土畢則食焉凡棟宇之制管庫之嚴詢于故實斷以心匠模沙冶金分作有八刀錯水瑩離局為二並立門鑰牙有堤防當其中扁控以廳事誰何警察目無逃形其鈐錯之備用薪炭之兼蓄別藏異室布于兩序出內謹密前

為大閤治官別署于閤之南羣工屯營于垣之外市材  
于山市壁于陶雇工于巧凡手指之勤筋力之用率評  
價而與之金不羨帑貲不徭民籍而功用成為屋八百  
楹最材木鐵石陶旄之用凡一百四十萬惟材木六千  
資于連山釘十萬出自真陽餘悉替辦于韶之境而民  
不知役乃知循良之政識自有體哉以皇祐初年龍集  
己丑三月甲午始築其基而飭其材八月辛酉棟宇完  
軌谿備物有區工有居九月己亥大合樂以落之董儻  
巧募新習勗怠勵勤授以程準日課千緡不愆于素初  
郡之銅山五歲共市七萬前太守潘公一歲市百萬及  
藥公繼之乃市三百萬明年又老倍之歲運荻銅

三百萬以贍嶺北諸治苟非主計者通其財提綱者揚其職守土者宣其力則何以協規創模成效之速如是哉且韶被山帶海雜產五金四方之人弃農畝持兵器慕利而至者不下十萬窮則公剽怒則私鬪輕生抵禁亡所忌憚緩其羈縻則鷹摯而陸梁急其銜勒則獸駭而踦齧故境壤雖狹而獄犴寇抄常倍他境必資威肅惠和兼被于物乃成善政觀此圖功賦事精至詳敏則民之受賜其可知矣初以遠方置監議者不一故

朝廷有以待之明年四月乃下

勅賜名永通時

天子親享明堂之歲十月初三日光祿少卿分司南京

余靖記

江夏黃昌齡書并篆額

按碑在廣東曲江與樂昌之游泐溪石室記並余靖譔黃昌齡正書後題天子親享明堂之歲蓋皇祐二年仁宗即位之二十八年韶之置監成於皇祐元年八月二年四月賜名永通十月撰記立石其以元年為冠年他碑所未見也玉海慶厯八年九月韶州置鑄錢監皇祐元年二月以韶州新置監為永通監紹興二十七年七月戶部侍郎林覺奏永通監選通判主之宋史食貨志慶厯末韶州天興銅大發歲采銅二十五萬斤詔即其州置永通監今以碑記攷之韶州置監之議始於三司使葉清臣宋祁而轉運使傅惟口知韶州藥溫故成

之清臣祁本傳皆未及記又云初郡之銅山五歲  
共市七萬前太守潘君一歲市百萬樂君繼之市  
三百萬明年又差倍之歲運美銅三百萬以贖嶺  
北諸冶則歲采之數亦不止二十五萬斤矣王象  
之輿地碑目載余襄公所撰碑在韶州者凡五今  
惟泐溪石室記猶存則未見此碑也廣東通志歐  
陽修余襄公神道碑云祀明堂覃恩遷衛尉卿據  
通鑑覃恩在九月此記十月猶稱光祿少卿者詔  
未至耳

南海廟碑陰題名四段

碑前已見此分刻碑陰碑額之陰兩  
方及兩側起自南端平在廣東廣州府



祖無擇等題名

皇祐二年孟秋庚寅偕陸仲息子強丁寶臣元环李徽之休甫王逢會之劉竦子上謁

廣利王夕宿廟下祖無擇擇之記

彈琴道士何可從鶴字僧宗淨同行

右祖無擇等題名七行行七字何可從宗淨題名三行行五字在碑陰上層字徑四寸按皇祐二年閏十一月惠州羅浮山長壽澗題名稱提點諸州刑獄太常博士范陽祖無擇四年九月連州大雲洞題名結銜稱廣南東路轉運使則無擇謁南海廟方任提點刑獄後遷轉運使丁寶臣常州晉陵

人景祐元年進士見歐陽修所撰墓志銘王逢列  
宋史文苑傳李徽之見青箱禰記云李給事徽之  
丁未九月生蓋徽之終給事官也陸仲息劉竦無  
攷

### 向宗道題名

宗道從事於廣并今三拜祠下熙寧壬子二月權發遣  
轉運使公事向宗道題

右向宗道題名六行行五字字徑三寸正書在碑  
陰中層宗道字元伯由尚書職方郎中權發遣廣  
南東路轉運使公事見熙寧辛亥三月連州燕喜  
亭題名辛亥壬子熙寧四年五年

程師孟禱雨記

熙寧歲次癸丑十二月丙申距甲寅六月辛未

府帥諫議程公凡四謁

南海廣利昭順王蓋將

天子之命求雨於神而兩禱兩謝之獲應頗異前太守  
有一至廟下已二十餘年而後寂寂無傳今

公戾止何其偉歟亦足為靈宮一時之盛事資邦人百  
年之美談也時獻官黃稹趙光弼攝奉禮黎獻臣攝太  
祝富臨輒記於退之之碑陰云公之子德叟義叟陪位  
右府帥程公禱雨記十六行行九字字徑寸二分  
正書刻於碑額之陰程公即師孟時以右諫議大

夫知廣州軍州事充廣南東路經略安撫使故稱  
府帥師孟及趙光弼黎獻臣富臨官位並見於是  
年正月陳之方勅祠南海神記黃稹又見是年八  
月蘇咸南海廟謝雨記亦為獻官而不詳何職蓋  
熙寧七年甲寅正月六月十月師孟凡三祀於南  
海廟也

彭鉉等題名

端平丙申三月清江彭鉉詣祠蒞祀事登浴日亭訪  
韓碑誦坡句摹本而歸刻石碑陰時廬山胡泳與  
其季昶偕行 豐王叔仁刊

右彭鉉題記八行行六字字徑三寸五分行書刻

碑陰末層理宗端平三年歲次丙申是年彭鉉知  
廣州軍州事見廣東通志

南海廟開寶碑陰題名三段

分刻碑陰及碑陰之額起皇祐訖熙寧在廣東廣州府

田瑜等題記

聖宋皇祐辛卯歲三月十九日庚午立夏祇命致享

于

洪聖廣利王廟右諫議大夫充天章閣待制知廣州

田瑜都官員外郎前監鹽倉黃鑄虞部員外郎通判朱

顯之謹題 僧宗淨刊

右宋仁宗皇祐三年三月田瑜等題記六行行十

二字字徑五寸正書在潘美等銜名之右宋制有  
左右諫議大夫左屬門下省右屬中書省此碑田  
瑜係銜右諫議大夫宋史田瑜傳脫右字當以碑  
為實

譚粹等題記

熙寧甲寅仲春十九日府幕譚粹檢季邑簿李種書碑  
謁拜祠下

右神宗熙寧七年二月譚粹李種題名五行行五  
字字徑五寸正書刻田瑜題記之下譚粹稱府幕  
蓋都督府之幕職官幕職有簽事判官推官掌書  
記文使粹但稱府幕何耶李種係銜檢季邑簿李

邑猶言下縣蓋當時有此語而史傳無之獨見此碑爾

蘇咸謝雨記

熙寧七年秋八月

上以久旱精禱天下名山大川詔

右諫議大夫知

廣州程公致祠

南海洪聖廣利昭順王已而休應云獲復命公行賽謝之禮時黃稹趙光弼為獻官黎獻臣譚粹攝奉禮太祝陳端與公之子德叟義叟陪位冬十月十八日蘇咸記李穰書

右熙寧七年十月蘇咸南海廟謝雨記十一行行

十字正書刻碑陰之額宋史神宗本紀是年九月  
戊戌時雨降即此記所云休應惟八月精禱名山  
大川史臣失載碑稱程公不名據敕祠碑蓋師孟  
也陳端見南豐文集翰林醫官制未知即此人否  
並見廣東通志金石略 又嶺南石刻此碑而外  
數見譚粹題名熙寧丁巳<sub>年</sub>十二月連州大雲洞題  
名稱郡人譚粹文叔五月太守杜抃題名稱從事  
譚粹文叔元祐三年龍川白雲巖題名稱承議郎  
知郡事譚粹元祐癸酉<sub>年</sub>韶州九成臺移立蔣之  
奇武夷深詩刻稱右朝散郎知韶州軍州事譚粹  
建中靖國辛巳<sub>年</sub>八月英德碧落洞詩十月南山



詩刻並稱朝散大夫知軍州事譚粹又英德南山  
題名稱淩江譚粹文叔按宋連州連山郡龍川縣  
循州海豐郡英德縣韶州始興郡淩江在南雄州  
西北地接韶連故大雲洞題名亦稱郡人也據此  
則粹字文叔由幕職知循州復知韶州通志職官  
表失載元祐八年建中靖國元年知韶州軍州事

### 平蠻三將題名

高一丈三尺廣八尺二十六行行三十六字字徑二寸五分正書篆額題平蠻三將題名六字橫列徑尺許在廣西桂林府龍隱岩潛真洞

大宋皇祐四年夏蠻賊儂智高寇廣南陷十二郡據邕  
州其年九月

詔以樞密副使狄公統兵南征號二十萬明年正月己未與賊戰於邕之歸仁大破之翼日復邕州賊之餘黨遁於銅柱之外二月丁亥班師至桂林

詔換河中旌節召還機密凡從行將佐文武官二百三十一員今記將官已下姓名於左

宣徽南院使彰化軍節度使荆湖南北路宣撫使都大提舉廣南經制賊盜事狄青第一將下

左衛將軍荆湖北路兵馬鈐轄王遂 西京左藏

庫副使孫節戰役於陣贈忠武軍節度觀察留後 如京副使賈逵

西京左藏庫副使竹景 文思副使時明 管

勾機宜太子贊善大夫馮炳 權石州軍事推官

武緯 管勾糧草殿中丞霍建中 走馬承受公  
事入內內侍省內西頭供奉官張若水李若訥  
樞密直學士右諫議大夫充荆湖南路江南西路安撫  
使廣南經制賊盜孫沔

內園使陵州團練使入內內侍省押班充荆湖南路江  
南西路安撫副使廣南經制賊盜石全彬第二將  
下

莊宅使荆湖南路兵馬鈐轄劉几 文思副使張  
憲 六宅副使孫昂 供備庫副使鄧守恭夏元  
崇 內殿承制閤門祗候孫宗旦 管勾機宜都  
官員外郎鄭紆 勾當公事殿中丞王綱 管勾

糧草効用侍其濟

秘書監知桂州充廣南西路都鈐轄兼經略安撫使廣南東西路經制賊盜余靖第三將下

皇城使廣南西路兵馬鈐轄李定 供備庫副使

史青 內殿崇班武防 虎翼都虞候呂斌張遠

管勾糧草大理寺丞章詢 經制賊盜司走馬

承受公事入內內侍省內西頭供奉官李宗道

西頭供奉官李逵 官勾機宜守將作監主簿余

仲荀 勾當公事權邕州節度推官黃汾

轉運使管勾隨軍糧草都官員外郎孫抗 轉運判官

都官員外郎宋咸

提點刑獄同計置糧草司門員外郎朱壽隆 文思副

使高惟和

其年二月曲赦廣南東西路甄勞能減租賦其死  
事者給棺斂錄子孫溪峒首領不從賊者悉加恩  
賞又宣德音荆湖江南詢疾苦蠲賦役雜犯死罪  
已下並從慮減四月又

詔以青為樞密使孫沔授給事中樞密副使余靖  
遷工部侍郎石全彬授宮苑使利州觀察使孫抗  
授司封員外郎宋咸職方員外郎朱壽隆考功員  
外郎高惟和左藏庫副使王遂而下定功為五等  
第一等者轉官五資餘增秩有差

僧寶珍篆額

區華區誠鐫

右平蠻三將題名石刻云皇祐四年儂智高寇廣南陷十二郡據邕州即東都事略余靖傳稱智高陷邕州乘勝連破嶺南州縣圍廣州還據邕是也云詔以樞密副使狄公統兵南征又書銜云宣徽南院使彰化軍節度使荆湖南北路宣撫使都大提舉廣南經制盜賊事即宋史狄青傳稱青領彰化軍節度使擢副樞密使儂智高反除宣徽南院使宣撫荆湖南北路提舉廣南經制盜賊事是也云明年正月與賊戰於邕之歸仁大破之復邕州賊遁於銅柱之外即宋史紀事本末稱五年正月狄青夜度崑崙關大敗儂

智高於邕州智高走大理及東都事略稱狄青敗賊  
於歸仁邕州平是也云班師至桂林詔換河中旌節  
名還樞密末云詔青為樞密使即宋史本傳稱捷聞  
還護國節度使河中尹及東都事略云青還朝復為  
樞密副使遂拜樞密使是也石刻所載與史傳並合  
又余靖平蠻京觀志云先是命樞密直學士孫沔入  
內押班石全彬同本路經略使余靖經制盜賊命青  
以宣徽使大提舉總其節制明年正月己未青帥三  
將兵至邕州其詞似以沔全彬靖為三將而青為總  
帥者此碑青為第一將以全彬為第二將靖為第三  
將蓋朝命以全彬副沔故共為一將也

廣西通志金石略

嵩臺石室記

高三尺八寸廣二尺八寸十六行行二十一字正書在廣東肇慶府七星巖

書端州嵩臺石室

混元喪精天地均氣融川結山曷嘗私於一物哉而韜  
奇毓怪絕與類殊疑得造化之偏者其崧臺石室歟崖  
斷穴露呀然而闢闢嵌啞剝截薛掀層巔劃巨石頑青  
老碧將墜復屹交撐互撐如竦如立龍蛇盤蟄煙雲出  
入中敞平地廣畝側環翠壁踰仞滴乳成柱疑嵐作蓋  
若非神驅鬼役鑿空架虛不棟不榱疇克其壯又不知  
列仙移來真宰匠出吁其偉乎圖經謂

帝觴百神之所亦九九小洞天之一也谿泉清泠林鳥



嘲啗猿跳獸擾藤嬰辟纏春葩夏飊秋菊冬桂皆常常  
景物奚足詫尚去夏五月儂寇軼境二廣騷動

朝廷命翼叅掌漕計助餉軍實明年春賊平每按部西  
江停舟下瀨與前郡守曲臺丁寶臣元珍今郡守殿省  
江東之唐公乘公之休縱遊為樂窮幽抉勝飫心飽目  
因狀厥實用示其來

炎宋皇祐五年癸巳仲夏首吉潯陽陶翼商老文

按太平寰宇記嵩臺在高要縣北五里南越志高  
要有石室自生風煙南北二門狀如人巧意者以  
為神仙之下都因名嵩臺北海李邕有記鏤石在  
焉蓋商老所遊之嵩臺即北海所記之石室也廣

東通志職官表陶翼皇祐四年任轉運副使江東之皇祐五年知端州軍州事而不載前守丁寶臣何也咸淳毘陵志寶臣字元珍晉陵人與兄宗臣同登景祐元年第歷官秘閣校理同知太常禮院守端州時適儂智高入寇以南方備寡被罪尋復召用此云前郡守曲臺丁寶臣曲臺之稱謂知太常禮院也夏五月儂寇軼境二廣騷動以宋史續通鑑參考之皇祐四年五月儂智高陷邕州乘勝掠九郡沿江而下以兵圍廣州自邕寇廣正軼端州之境二廣騷動即謂此時時楊畋曹修經制蠻事師久無功改命孫沔余靖等帝猶以為憂樞密

副使狄青請行以青為宣徽南院使宣撫荆湖南  
北路提舉廣南經制盜賊事五年正月狄青敗儂  
智高於歸仁鋪續紀三將平蠻碑即此所云明年  
春賊平是也又高要副墨巖下潭深處有皇祐庚  
寅九月丁珪臣題名是皇祐二年寶臣已守端州  
當在朱顯之後